



星 汉(新疆·乌鲁木齐)

黄庭坚纪念馆雨中拜雕像

苍苍雨如酒,凭吊备千缸。
魂魄归双井,声名过九江。
著文曾励世,勤政必兴邦。
仰慕天山下,今来放一腔。

独游修河源湿地

飞鸟导前路,斜阳踞上游。
孤心收别趣,健步散闲愁。
衰草连天舞,清风贴地流。
相机勤拍照,带走一河秋。

拜黄庭坚墓

银鹰下望岂徘徊,南指分宁天路开。
九百年前无我在,八千里外拜君来。
山收暮雨留松泪,风扫残云过祭台。
领略人生归去后,昆仑不许带馀哀。

修水晨兴登凤凰山

无缘此地作居民,客步今朝自有神。
风过影磨千树老,鸟鸣声醒一山新。

碧江远去破晓梦,红日渐高成比邻。
我不留诗便留我,云烟又起困吟身。

林 峰(北京)

白岩山

白岩千丈尽葱茏,径古秋深黛色空。
瀑里霞辉凝翠杪,山间虹彩入明瞳。
钟敲精舍心如镜,卷展芝窗月似弓。
闻说仙人犹未老,吟鞭遥指日轮东。

浣溪沙·缙云仙都鼎湖峰

寸碧凌霄众山低,鼎湖千载压长溪。
仙风吹雨绽花泥。鹤羽缤纷浮帝影,
云岚飘渺悟天机。寒梅数点小村西。

水调歌头·登诸城超然台

微雨入凉夜,白露满枝头。超然台上,
青霄圆碧暮云流。细听金铃摇处,袖底清
风拂动,往事几经秋。心有婵娟句,无月也
登楼。抚丝弦,歌金缕,醉吟眸。文章千古,
江山许我

共追游。欲撷坡仙霞佩,再掬莲山晚翠,跨鹤下扬州。隐约空尘里,又见玉虹浮。

胡迎建(江西·南昌)

西藏纳木措湖二首用灰韵^①

高从风口下山来,硕体玉容渐展开。
衔浪银鹰飘有响,粘天碧渌净无埃。
波平万顷雪冰润,峦卧两旁翡翠堆。
水底传闻通海眼,乘槎我欲上天台。

冰川造化大湖瑰,玉镜晶莹众岭偎。
云幕低垂峰黯黯,波光倒映雪皑皑。
但祈圣洁存千代,莫让纷争到九垓。
周穆西巡未来此,逊吾眼界尽奇恢。
注释:①纳木措湖在拉萨之北,那措县境内,为中国第二大咸水湖,海拔4718米,近拟长方形,东西长70多平方千米,南北宽30多平方千米。最深处33米,为世界上海拔最高的大型湖泊,湖名乃“天湖”之义。

游蚌埠张公山湖畔公园

退休无束缚,行止觅逍遥。
羨碧荷裳净,怜红月季娇。
波闪晶光跃,柳垂绿影摇。
峦巅孤塔近,楚楚若相邀。

李青葆(浙江·青田)

瞻仰遵义会议旧址

万里长征到贵州,红星闪闪耀琼楼。
回眸来路血如水,放眼前途乐亦忧。
旗树高原正方向,军清左毒得风流。
笑看旭日腾空起,一曲壮歌惊五洲。

娄山关感赋

斜阳引我上娄山,大小尖峰锁险关。
弹洞犹存枪战激,雁声难忘血腥寒。
昭魂碑耸凌云志,凿壁诗留动地篇。
今日登临意难静,西风又起海中天。

马继清(四川·射洪)

石海洞乡游

雨湿衣冠汗湿衷,兴文石海隐朦胧。
欣攀象鼻泥污履,远眺群羊树扶风。
对奕夫妻牌桌覆,深探洞窟地心通。
水簾缥缈朱颜润,引吭高歌一老翁。


程启瑞(江苏·苏州)

蝶恋花·春意盎然

温暖和风吹几度,雪化梅开,踏破横塘路。
翠柳萌芽垂辮处,莺歌燕舞留人驻。
白发无忧年已暮,书画琴棋,兼习诗词赋。
健体旅游常迈步,人生欢乐无穷趣。

刘维斌(江苏·泗洪)

濉汴分流处小憩



巍然白塔与云平，拂水垂丝翠色盈。
欣赏游鳞跳浪酷，端详飞鹭御风轻。
虹藏波底摇红日，绿涨凫汀缀碧泓。
滩汴长流桑梓泽，奔腾万里注乡情。

李识经(广西·南宁)

岭岗顶村居

依山傍水卧村庄，犹似兰舟欲起航。
百里绣江留古月，千杆修竹弄新篁。
篱前畦陇青青韵，屋后花园细细香。
数盏路灯巡夜色，招来邻里数家常。

何 鹤(北京)

青虚山之夜

闲吟知句短，寄意复何深。
雪向阶前落，路从方外寻。
半生观物趣，百变是人心。
且喜逍遥卧，空林即梦林。

送别太玲艳梅桂萍于北京站

故事翻新灯火明，小楼闲侃到初更。
几杯暖暖红茶里，一半乡情兑友情！

乙未岁末

寻梦有无中，迷途西转东。
卖书兼卖字，吟月复吟风。
云散天还碧，春来花自红。
挥毫图画里，一鹤舞晴空。

何少秋(吉林·农安)

靖安行

骋怀游九岭，纵目阅苍茫。
三爪仑浮翠，双溪水泛光。
清风含史韵，妙笔蘸花香。
梦在云深处，魂留诗故乡。

都江堰凭吊李冰

融雪飞流汇百涓，岷江豪气裹云烟。
宝瓶巧借千渠水，天府凭添万顷田。
物阜民丰殷后世，秦风汉月鉴先贤。
拈香祭拜都江堰，亘古奇勋写碧天。

彭砺志(吉林·农安)

雾 淞

古城一片寐千家，寂寂寒宵月已斜。
造物可怜冬冷寞，绽开玉树满街花。

晚 溪

小溪轻唱绕农家，岸柳浮烟日已斜。
赤脚村娃多惬意，坐看罾网取鱼虾。

王定一(广东·珠海)

绿色家园山居闲吟

一

流年似水淡无饴，解甲归林迟暮时。
海抱山环宽视野，进山方悟进山迟。

二

鸟自啼鸣花自春，远山黛黛水粼粼。
抬头红荔撞眉宇，弯背豆瓜已等身。

季传富(湖南·岳阳)

登华容禹山遇雪

绝顶禹山观四方，乡村不见旧风光。
雪花笑报春消息，趁着诗风跃上墙。

故 乡

溪流缓缓绕村庄，如雪云团恋夕阳。
林海枕天青梦染，开窗放入稻花香。

赵忠全(黑龙江·哈尔滨)

白马寺述怀

洛水飞流万里鸣，邙山杨柳噪蝉声。
空留得失人依旧，自有沉浮梦不惊。
台诉烟霞千载景，塔含风雨四时情。
驮经白马传今古，月照禅门分外明。

时玉维(黑龙江·大庆)

冰 雕

荧光凝玉宇，剔透绝红尘。
幻化形千变，妆成景一新。
龙鳞金殿舞，雉尾碧梧巡。
呵气寒霜结，痴情不慕春。

王晓春(四川·遂宁)

山村寻春

且随蜂蝶觅芳春，半垄金黄半垄榛。
应是东君慵懒甚，一坡山色未涂匀。

咏壶口冻瀑

百折出昆仑，雄心奔海门。
冰封何奈我，蓄势待春温。

王雄军(湖北·崇阳)

黄 河

万里奔流一眼新，千帆竞发沐曦晨。
赤河黄堞曾经事，翠坝清堤时世春。
遍地延伸千厦垒，广田灌溉百粮莳。
朝朝代代传青史，哺育中华十亿人。

方基瑞(新疆·石河子)

羊年八月游石河子市区景观河

一

八月河开一睹先，边城有喜事连连。
清流飞瀑桥和榭，信是苏杭难比肩。


二

层层跌水甲天工，一路奔腾撼万重。
舞劲歌欢珠出练，界由我定几城同。

三

层林夹岸色斑斓，坪草茵茵秀可餐。
朵朵清香花绽放，秋来河水绿如蓝。

赵元席(安徽·宿州)



长 江

呼啸出夔门，千山任吐吞。
浪高寒日影，源远接云根。
盘古长青脉，中华不老魂。
张怀纳天下，以礼洗乾坤。

黄 山

尽藏天下秀，一步一奇闻。
罗汉扬飞瀑，莲花照紫雯。
石生三界梦，松揽五洲云。
泰岳归来后，结庐长伴君。

董瑞霞(湖北·武汉)

水调歌头·北武当感怀

拾阶榆木叠，极目水天驰。簇风拍岸，浪吞顽石几人知。渡口残烟犹在，城堡烽台孤立，成败两由之。涛声击边鼓，武当老神龟。倚亭阁，纳沧海，怎嫌迟。晚霞辉映，村霭桑陌执心迷。垂钓浮生何累，抱日携舟共济，说甚苦相围。千古皆遗恨，一笑梦同归。

临江仙·秋日田园

小径浮岚盈野菊，闲阶绿意朦胧。登临又见一疏红，老枝凝旧梦，楚楚正情浓。极目桑田秋意早，稻梁垂首西东。牛羊蔓草两相融，牧童分夜色，银发抱金盅。

洪传德(湖北·武汉)

念奴娇·长江

大江东注，万千年，依旧磅礴风采。势驭云端源头雪，激作惊涛澎湃。吞纳群流，奔腾华夏，远水穷天外。钟灵毓秀，谁牵星汉一派？放眼江堰绳桥，诗城白帝，神女峰如黛。大楚屈乡嘉树绕，赤壁苍烟霞霭。虎踞龙盘，金陵兴替，天堑波常在。临江飞梦，云帆直济沧海。

廖国华(湖北·荆州)

南太湖小梅山畔别席口占

波摇清响入回廊，红紫成围斗晚芳。
不必吴姬勤压酒，离歌声已断人肠。

石头城

血火硝烟忘未曾，帝州蟠踞竟无凭。
不应一片秦淮月，总照千秋草木腥。

秦淮河

燕子春灯又一宵，南朝运尽气偏骄。
可怜廊庙公卿骨，不敌青楼女子腰。

文会春(江西·会昌)

览胜太平寺瀑布

绝顶悬泉一豁开，练飞百丈夹风雷。
似珠似雨纷纷下，如雪如烟滚滚来。

织女抛梭穿石径,玉龙破壁上天台。
我今得句通心爽,自乐自吟真快哉。

梅子村水利工程竣工有寄

何惧旱魔操夏炎,老农挚手话频添。
所需轻按龙头雨,笑饮甘泉日子甜。

湘桥赏月

迢迢银汉挂冰轮,每近中秋思念频。
今夜清辉风约往,湘桥赏月候佳人。

叶志深(浙江·丽水)

千峡湖

万峰千峡换新装,渡口烟村势激扬。
僻地花开成锦地,畲乡歌浪接侨乡。
天清飞瀑云端落,波静游船水上航。
四面风光来眼底,谁裁一角到钱塘。

江南春·游千峡湖

波渺渺,峡弯弯。图开新渡口,舟
荡旧村间。鹤溪湖景三千色,远看云
飞近看山。

咏矿山公园

千年流韵到如今,矿脉无言且有心。
凭借天工一双手,采区剩着亦生金。

王改正(北京)

西江月·玉渊潭春词

芳草春心春意,馨香凝蕊凝珠。
清泉滴泪润情书,痴命无端有数。

又见燕山半月,先喝美酒三壶。
梅花一朵暖青竹,梦里湘娥楚舞。

春 诗

春风拂动小桃枝,玉蕊喷香总怕迟。
粉露泉流情入骨,娇花含笑泪沾衣。
莺歌颤颤楼头梦,芳草萋萋月下诗。
千里相思同此夜,良宵美酒醉君时。

章长斌(湖南·涟源)

黄山百步云梯

壁危路断雁无声,身处重霄第几层?
百步云梯蹬快步,一湾溪水化长绫。
风生穹壑悬峰障,目及苍茫浩气腾。
莫道前程多险阻,扶摇直上化飞鹏。

胡鉴明(湖北·黄石)

放鹤幽亭


古木葱茏荫碧潭,依山亭影独凭栏。
斯人放鹤归何处,梅子清香醉不还。

子陵钓台

富春江水照高台,月白风清远俗埃。
不向庙堂争富贵,名垂千古钓将来。

车过嵊州

千里驱车过剡中,江南自古仰文风。



此行未得瞻祠墓，默诵《兰亭》出浙东。

注：嵊州是王羲之故里，有王羲之祠墓。

金持衡(上海)

谒苏渊雷故居

妙语连珠何处寻，苍南老屋壁融金。

玄黄鞭影存天地，蒿菊晨星冠古今。

但使寒城兴国志，更须净土爱民心。

峥嵘岁月傲霜骨，恍觉苏翁起醉吟。

注：苏渊雷(1908-1995)原名中常、晚署钵翁，苍南钱库人，华东师大历史系教授，玄黄、鞭影是他的诗集名。

许德明(浙江·德清)

万泉河竹筏漂流

游人稳稳坐中央，竹筏漂流引兴长。

茂树重重幽岭翠，长河静静棹风凉。

二三玉女唱时曲，七八水枪成战场。

五指山连今作乐，忽晴忽雨送椰香。

天涯海角

礁石凌空淑气真，南天一柱镇红尘。

烟波渺渺天涯上，帆影悠悠海角滨。

椰树婆娑摇倩影，礁岩林立壮鸿钧。

银滩享足凉风浴，涌上诗潮写此身。

注：鸿钧：大自然、明张居正《贺元旦表三》：“岁月更新于凤历，气机初转于鸿钧”。

莫雪元(浙江·杭州)

钱江潮

亘古钱塘仰伍潮，素车白马海天骄。

推波壁立堆山岳，冲浪舟飞摩碧霄。

一线回头怜美女，千军挥弩遏鲸鲵。

人流滚滚嚣声剧，更伴惊雷动地摇。

余宝义(浙江·开化)

山居接春

晓起燃花炮，迎春意趣生。

山川浮秀气，里巷奏新声。

国赖雄风富，家随万木荣。

欣闻弦管起，歌舞庆升平。

徐弘道(浙江·杭州)

赴舟山途中

各异型桥岛岛连，歌声一路向舟山。

海色遥望别尘累，蓬莱已在水中间。

游舟山朱家尖国际沙雕艺术广场

偏值秋深向海边，长风送醉自悠然。

十分静女传神意，八尺琼楼近我肩。

戏水已无人影过，矗滩犹有伞亭连。

不须时易空惆怅，云积层阴欲暮天。

丙申春联(录二)

蝇虎当除尽；丙申看悟空。

旧岁又新，呼大圣重来，妖魔余几？

醒时还梦，盼小康相顾，福寿无双。

西湖

何年世字落明珠，添得双堤白与苏。
湖上曾歌天接水，一排云厦换新图。

翁启辉(浙江·乐清)

卜算子·文成铜铃山“水之湄”

绝壑水之湄，玉带拦腰束。幽谧
清凉四美藏，龙女舒心浴。骚客
动诗情，欣谱神奇曲。直欲重来静品
茶，细把铜铃读。

破阵子·浙东第一大峡谷

欲问松溪山水，碧湖丹石清风。
宁邑稚川风骨见，游客寻踪访葛洪，
轻车向浙东。洞府云萝缠绕，天
河秀丽灵钟。斩石伏波蛙象布，黄板
滩头鳄鹭逢，玄关阵势雄。

李勤绍(河北·平乡)

雪

小城一夜换新装，玉砌楼台银饰墙。
棚户豪门无二致，天公巧作大文章！

题《冰裹红叶图》

玉貌冰魂难尽删，凌霜依旧色斑斓。
明朝纵被收拾去，犹化梅心寸寸丹。

凌朝祥(新疆·乌鲁木齐)

冒雨登剑门关

游子归来总断魂，情浓不觉雨纷纷。
一身多是军人味，大步流星入剑门。

旧地重游辨假真，雄关不是杏花村。
苍天原本多情子，雨水汪汪哭故人。

细雨中观桂花

青枝绿叶掩奇葩，严守春闺不露华。
秋雨绵绵流日夜，不知香魄落谁家？

李白桃红竟自由，花开花落为何求？
故园难见亲人面，惟有情思带泪流。

杨承大(湖南·湘潭)

鹧鸪天·酉阳桃花源

曲曲溪流漠漠烟，深山日暮听啼
鹃。浮天雾失无穷树，携雨云埋一半
山。鸡号晓，犬声喧；渔歌樵唱
落英天。如今处处桃源在，何必纷纷
索正源。

符丕信(黑龙江·宾县)

去伊春汤旺河途中

呼啸追风去，群峰列队迎。
青松流媚眼，白桦展娇容。
山岫飘银带，雄鹰闪碧空。
徜徉林海里，人在画屏中。

